

唐
音
統
籤

丁籤一百五

唐音統籤卷

五百五

李涉洛陽人初與弟渤同隱廬山後應陳許辟憲

宗時試太子通事舍人謫峽州司倉參軍太和中

為太學博士復留康州自號清溪子有詩一卷唐

藝文志同今編為二卷唐書孔戣傳云初中官吐突承

淮南 戣軍涉揣知上待承戎 戣意未衰投廳 言尿瑞

寬狀不可素戣知德事勳 戣坐殿 峽州李遼

吾兵曹等梁 氣候 相許昭怨 望不用缺 刺史武昭 金

發昭榜死涉與彙 皆坐流涉得康 州張為作 主

五言古詩

感興

隋氏造宮闕峨嵋倚雲烟搜奇竭四海立制謀千
年秦兵半夜來烈火焚高臺萬人聚斂血一旦為
塵埃君看汴河路尚說隋家柳但問哭陵人秋草
莫來久

詠古二首

大智思濟物道行心始休垂綸自濟息歲月任春
秋紂虐武既賢風雲固可求順天行殺穢所向協
良謀况以大人思將濟安川流何勞問枯骨再取
陰陽籌霸國不務入兵戈恐相一作營空含渭水跡干
古獨悠悠

尼父未適魯歷聘倦迷津徒懷教化心
紆鬱不能伸一遇知己言萬方始喧
至今百王則孰不挹其源

鷓鴣詞二首

湘江烟水淡沙岸隔楓林何處鷓鴣飛
日斜斑竹陰二女虛垂淚三閭枉自沉
惟有鷓鴣啼獨傷行客心

越岡連越井越鳥更南飛何處鷓鴣啼
多烟東嶺歸嶺外行人少天涯北客稀
鷓鴣啼別處相對淚沾衣

山中

無奈牧童何放牛吃我竹隔林呼不應
呼笑如生鹿歎報田舍翁更深不歸屋

題清溪鬼谷先生舊居

翠壁開天地青崖列雲樹水容不可狀
杳若清河霧常聞先生教指示秦隄路
二子才不同逞詞過尺度偶因從吏役
遠到冥棲處松月想攜山烟霞了如故
未遑鍊金鼎日覺容光暮萬慮隨境生
何由返真素寂寞天籟息清迥鳥聲曙
迴首望重丘無期挹風馭

七言古詩

牧童詞

朝牧牛，牧牛下江曲。夜牧牛，牧牛村口谷。一作度村谷
荷筇出林春，雨細蘆簷卧。吹沙草綠亂，插漉蒿箭
滿。腰不怕，猶虎欺黃犢。

灘陽行

黃昏日暮，駟羸馬。夜宿灘陽，烽火下。此地新經殺
戮來，墟落無烟空。碎瓦層冰塞，斷隋朝水。一道銀
河貫千里，愁心翻覆夢難成。病僕呻吟呼不起，泗
水三千招義軍。本自征戰邀殊勲，十年麾下畜壯

志一旦此地為愁雲昨日太陽迴照燭轉見天心
重含育早晚東風得發生古堤春草年年綠

六歎 并序

五噫四愁九歌七啓皆創文者立意之終絕其
數而名之也清江白雲孤山遠嶼皆得時之人
吟咏性情耳余無暇于是焉窮居歲陰倘懷無
情因進感聞見成文六篇曰六歎體其質之
不侔復何_子比與乎錄之私齊以
示同道務韻括歎多態見知

其一

溪院梧桐夾金井上有鏡轆青絲索美人清晝汲
寒泉寒泉欲上銀瓶落迢迢碧甃千餘尺竟日倚
闌空歎息惆悵不來照明鏡却掩洞房花寂寂

其二

綺幙香風翡翠車
清明獨傍芙蓉渠
上有雲鬢洞
仙女垂羅掩敔烟
中語風月頻驚
苑李時滄波
久別鴛鴦侶
款傳一札孤
飛翼山長水遠
無消息却鎖重門
一院淡
半夜空庭明月色

其三

漢臣一沒丁零塞
收羊西顧陰沙外
朝憑南鴈信
難回夜望北辰心
獨在漢家第
土橫九州高門長
戟封王侯
但將鐘鼓悅私愛
肯以犬戎為國羞
夜寒雲卧冰雪嚴
風觸刃懸旌節
丁年奉使白頭

歸泣盡李陵衣上血

其四 下缺

其五

其六

春山三竭來

釣魚竭來春日暖松溪不厭舟行緩野竹初栽碧玉長澄潭欲下青絲短昔人避世兼避化暮栖雲外魚悠々我今無事亦如此赤鯉忽到長竿頭汎汎隨波凡幾里碧莎如烟沙似砥瘦壁橫空怪石危山花鬪日禽爭水有時帶月歸扣舷身閑自是

漁家仙

山上竭來採新茗，新花亂發前山頂。
瓊英動搖鍾乳碧，叢叢高下隨崖嶺。
未必蓬萊有仙藥，能向鼎中雲漠漠。
越甌遙見裂鼻香，欲覺身輕騎白鶴。
採藥竭來藥苗盛，藥生只傍行人徑。
世人重耳不重目，指似藥苗心不足。
野客住山三十載，妻兒共寄浮雲外。
小男學語便分別，已辨君臣知匹配。
都市廣長開大舖，疫來求者多相悞。
見識韓康舊姓名，識之不識先相怒。

醉中贈崔膺

興君兄嶺匡嶺故興君相逢揚子渡白浪南分吳
塞雲綠楊深入隋宮路隋家文物今雖改舞館歌
臺基尚在煬帝陵邊草木深汴河流水空歸海古
今悠悠人自別此地繁華終未歇大道青樓夾翠
烟瓊墀翠帳開明月與君一言兩相許外舍形骸
中爾汝揚州歌酒不可追洛神映箔湘妃語白馬
黃金為身置誰能獨羨他人醉暫到香龕一夕間
能展愁眉百年事君看白日光如箭一度別來顏
色變早謀侯印佩腰間莫遣看花髻如霰

寄河陽從事楊潛

憶昨天台尋石梁，赤城枕下看扶桑。金烏欲上海，
如血翠色一點蓬萊光。安期先生不可見，蓬萊目
極滄海長。回舟偶得風水便，煙帆數夕歸瀟湘。瀟
湘水清巖嶂曲，夜宿朝遊常不足。一自無名身事
閑，五湖雲月偏相屬。進者恐不崇，退者恐不深。魚
遊鳥逝兩雖異，彼此各有逸生心。身辭耕耘妾
能織，歲異飢寒免。相逼稚子才年七，歲餘漁樵
一半分。渠力吾友從軍在湖上，腰佩吳鉤佐飛將。
偶與高山道士期，西尋汴水來相訪。見君顏色猶
憔悴，知君未展心中事。落日驅車出孟津，高顏共

歎傷心地洛邑秦城少年別兩都陳事空閑說漢
家天子不東遊古木行宮開煙月洛濱老翁年八
十西望殘陽臨水泣自言生長開元中武皇思化
親雷及當時天下無甲兵誰聞賦歛毫毛輕金車
翠蓋滿衢路洛中歡笑爭逢迎一從戎馬來幽薊
山谷虎狼無捍制九重宮殿開豺狼萬國生人自
相噬躐躐瘡痕今不平干戈南北常縱橫中原
膏血焦欲盡四郊貪將猶憑陵秦中豪傑爭出群
巧將言智寬明君南山四皓不敢語渭上釣人何
足云君不見昔時槐柳八百里路傍五月青雲起

只今零落幾株松
枯根半死黃河水

岳陽別張祐

十年蹭蹬為逐臣
鬢毛白盡巴江春
鹿鳴猿嘯雖寂寞
水蛟山魅多精神
山瘴困中聞有赦
死灰不望光陰借
半夜州符喚牧童
虛教衰病生驚怕
巫峽洞庭千里餘
蠻陬水國何親疎
由來真宰不宰我
徒勞歎者懷吹噓
霸橋昔與張生別
萬變桑田何處說
龍蛇縱在沒泥塗
長衢却為鴛鴦設
愛君氣堅風骨峭
文章真把江淹笑
洛下諸生懼刺先
鳥鳶不得齊鷹鷂
岳陽西南湖上寺
水閣松房遍

文學新訂張生一首詩自餘吟着皆無味笑馬前
途須努力莫學龍鍾虛嘆息

寄荆娘寫真

章華臺面莎草齊長河柳色連金堤青樓曠曠曙
光蚤梨花滿巷罵新啼章臺玉顏年十六小來能
唱西梁曲教坊大使久知名郢上詞人歌不足少
年才子心相許夜上高唐夢雲雨五銖香帔結同
心三寸紅尖替傳語綠池並戲芙蓉鴛鴦田田翠葉
紅蓮香百年恩愛兩相許一日不見生秋腸上清
仙女徵遊伴欲從湘靈住河漢只愁陵谷變人間

空嘆桑田歸海岸願分精魄定形影永似銀壺掛
金井召得丹青絕世工寫真與身真相同忽然相
對兩不語疑是粧成來鏡中豈期人願天不違雲
駟却駐從山歸畫圖封裹寄箱篋洞房艷日生光
輝良人翻作東飛翼却遣江頭問消息經年不得
一封書翠幙雲駟繞空壁結客有少年名總身姓
江征帆三十里前月發豫章知我別時言識我馬
上卽恨無羽翼飛使我徒怨滄波長開篋取畫圖
寄我形影與客將如今憔悴不相似恐君重見生
悲傷蒼梧九疑在何處斑斑竹淚連瀟湘

與弟渤新羅劍歌

我有神劍異人與暗中往往精靈語識者知從東
海來來時一夜回風雨長河臨既北斗殘秋水露
背青蜻寒昨夜大梁城下宿不借跌跌光着顏邊
風蠟一作雨邊塵沙缺癩痕半是蛟龍血雷煥張華久已
無沉寃知向何人說我有愛弟都九江一條直氣
今無雙青光好去莫惆悵必斬長鯨須少壯

丁籤一百五李涉之二

唐音統籤卷

五百六

七言絕句

楊柳枝詞 荅成子

錦池江上柳垂橋
風引蟬聲送寂寥
不必如絲千
萬縷只禁離恨
兩三條

竹枝歌四首

荆門灘急水潺潺
兩岸猿啼烟滿山
渡頭年少應
官去月落西陵望不還

巫峽雲開神女祠
綠潭紅樹影參差
下牢戍口初
相問無義灘頭刺別離

石壁千重樹萬重白雲斜掩碧芙蓉昭君溪上年
年月獨自嬋娟色最濃
十二峯頭月欲低空舫灘上子規啼孤舟一夜東
歸客泣向東風憶建溪

又方輿勝覽

十二山晴花盡開梵宮變闕對陽臺細腰爭舞石
沉醉白日秦兵天下來

山居

一從身世兩相遺杜杜闌門到午時想得俗流應
大笑不知年老識便宜

長安隱作

宵分獨坐到天明又策羸驂信脚行每日除書難
滿紙不曾聞有介推名

別南溪二首

如雲不厭蒼梧遠似雁逢春又北飛惟有隱山溪
上月年年相望兩依依
常歡春泉去不回我今此去更難來欲知別後留
情處手種閑花次第開

葦陵幽居

負郭依山一徑深萬竿如束翠沉沉從來愛物多

成癖辛苦移家為竹林

竹裏步文類聚

竹裏編茅倚石門竹莖疎處見前村
閒眠盡日無人到自有春風為掃門

硤石過敵

天網初開釋楚囚殘骸已廢自知休
荷蓑不是人間事歸去滄江有釣舟

偶懷

轉知名宦是悠悠分付空源始到頭
待送真兒下山了更隨雲水一生休

奉使京西

盧龍已復西河平烽火樓邊處
耕何事書生走羸馬原州城下又添兵

奉使淮南

漢使徵兵詔未休南行旌旆接揚州
試上高樓望春色一年風景盡堪愁

再至長安

十年謫宦鬼方人三過鴻恩始到秦
今日九衢騎馬望卻疑渾是剎那身

晚過巫谷關

因韓為趙兩游秦十月冰霜渡孟津縱使雞鳴遇
關吏不知余也是何人

題武關

來往悲歡萬里心多從此路計浮沉皆緣不得空
門要舜葬蒼梧直至今

從秦城回再題武關

遠別秦城萬里遊亂山高下入商州關門不鎖寒
溪水一夜潺湲送客愁

題溫泉宮

能使時平四十春開元聖主得賢臣當時姚宋并

燕許盡是驪山從駕人

題連雲堡

由來天地有關高，斷壑連山接杳冥。
一出縱知邊上事，滿朝誰信語堪聽。

題五松驛

雲木蒼々數萬株，此中言命的應無人。
生不得如松樹，却遇秦封作大夫。

秋夜題夷陵水館

凝碧初高海氣秋，桂輪斜月到江樓。
三更浦上已歌歇，山影沉沉水不流。

漢上偶題

謫仙唐世游
茲郡花下聽歌
醉眼迷今日
漢江烟樹盡
更無人唱白銅鞮

題湖臺

山有松門江有亭
不勞他處問青冥
有時帶月舄
跡到一陣風來酒盡醒

題水月臺

平流白日無人愛
橋上閑行若箇知
水似晴天天似水
兩重星點碧琉璃

登北固山亭

海統重山江抱城
隋家宮苑此分明
居人不覺三
吳恨却笑關山又戰爭

秋日過員太祝林園

望水尋山二里餘
竹林斜到地仙居
秋光何處堪
消日玄晏先生滿架書

湘妃廟

斑竹林邊有古祠
鳥啼花落蓋堪悲
常時惆悵同
今日南北行人可得知

再游頭陀寺

無回暫泊魯陽戈
白髮魚愁日日多
只恐雪晴花

便盡數來山寺亦無他

遊西林寺

十地初心在此身水能生月即離塵如今再結林
中社可羨當年會裏人

過招隱寺

每憶中林訪惠持今來正過早春時自從休去無
心事惟向高僧說使知

題招隱寺即戴顓舊宅

西崖古樹千般色一井寒泉數丈冰欲問前朝戴
居士野烟秋草是丘陵

題開聖寺

宿雨初收草木濃
群鴉飛散下堂鐘
長廊無事僧歸院
晝日門前獨看松

題善光寺

雲門天竺舊姻緣
臨老移家住上泉
早到可中湏南寺
免得翻經住幾年

題澗飲寺

百年如夢竟何成
白髮重來此地行
還似蕭郎許玄度
再看庭石悟前生

再謫夷陵題長樂寺

當時謫宦向夷陵，願得身閑便作僧。
誰知漸已因緣重，羞見長然一盞燈。

題白鹿前岩

只去都門十里強，竹陰流水逸迴廊。
滿知車馬皆知有，每嘆同遊盡道忙。

題鶴林寺僧室

寺在鎮江

終日昏昏醉夢間，忽聞春盡強登山。
因過竹院逢僧語，偷一作又得浮生半日閒。

題宣化寺道元上人居

二十年前不繫身，草堂曾與雪為隣。
常思和尚當時事，

時語衣鉢留將與此人

重過文上人院

南隨越鳥北燕鴻
松月三年別遠公
無限心中不平事
一宵清話又成空

逢舊二首

碧落高、雲萬重
當時孤鶴去無蹤
不期陵谷遷朝市
今日遼東特地逢

將作采槎去不還
便尋雲海住三山
不知留待支機石
却逐黃河到世間

過湖州妓宋態二首

紀事云涉至揚州一女子拜曰泣問之曰

宋德也故吳興劉員外全白之
愛細劉李有昔年之分因贈詩

曾識雲仙主小時芙蓉頰上綰青絲當時驚覺高
唐夢惟有而今宋玉知

陵陽夜會使君筵解語花枝出眼前一作從明
月西沉海不見嫦娥二十年

廬山得元侍御書

慚君知我命龍鍾一紙書來竟萬重正着白衣尋
古寺忽然却遮到雲峯

雙峯寺得舍弟書

暫入松門拜祖師殷勤再讀塔前碑回頭忽見潺

陽使太守如今是惠持

過襄陽上于司空頌

方城漢水舊城池陵谷依然世自移
歌馬獨來尋故事進人惟說峴山碑

謝疊山以于鎮襄陽詩刻借羊祜之仁為襄陽所思

着以諷詞婉而妙今細味之恐無他意亦頌德當時語耳

邠州詞獻高尚書三首

單于都護再分疆西引雙旌出帝鄉
朝日詔書添戰馬即聞千騎取河湟

將家難立是威聲不見多傳衛霍名
一自元和乎蜀後馬頭行處即長城

朔方忠義舊來聞盡是邠城父子軍今日兵符歸
上將旄頭不用更妖氛

興梧州劉中丞

一代盧龍將相家五分符竹到天涯瘴山江上重
相見醉裏同看豈翫花

奉宣慰司魚十四郎

年纔二十衆知名孤鶴儀容徹骨清口傳天語來
人世卻逢祥雲上玉京

訓彭伉

公孫閣裏見君初衣錦南歸二十餘莫嘆屈聲猶

未展同年今日在中書

酬舉生許過山居

琉璃潭上漸秋月清淨泉中智惠珠不是本宗疎
二教許過雲壑訪潛夫

和尚書舅見寄

欲隨流水去幽棲喜伴歸雲入虎谿深謝陳蕃憐
寂寞遠飛芳字警沉迷

奉和九兄渤見寄絕句

史稱渤為弟即渤詩亦然此似誤

忽啓新緘迤近詩詩中韻出碧雲詞且喜涉罔愁
已散登舟只恨渡江遲

贈道器法師

冰作形容雪作眉
早知談論西川知
如今不用空
求佛但把令孤宰相詩

贈龍泉洞塵上人

八十山僧眼未昏
獨尋流水到窮源
自言共得龍
神語擬作茅菴住洞門

贈廖道士

膏以明煎信矣哉
二年人世不歸來
庭前為報僊
桃樹今歲花時好
開

贈長安小主人

上清真子玉童顏花態嬌羞月思閑仙路迷人應
有街桃源不必在深山

贈友人孩子

驪龍頷下亦生珠便與人間衆寶殊他時若要追
風日須得君家萬里駒

贈夜客

涉嘗過九江至皖口過益問何人從
昔曰李博士也其囊首曰若李涉
博士不用剽奪久聞詩名願題一篇足矣
涉遂題此絕贈之一云宿井欄砂過夜客
范鴻雲漢友談云李彙徵堂客道潤越至
循洲冒雨求宿或指昔氏莊居韋氏杖履
迎賓耳八十餘自稱曰野人韋思明留之
累夕談論諸家之作次及李涉主人酬稱
善已而慨然變色曰老身弱終不肯遊
江湖為不平事後過之蒙簡我詩感而詮

跡隱此經今一紀矣李杞云亡追婉持觴
而酌與彙征各舉涉他詩數篇別去乾符
辛丑據客雲川
彙征所述也

暮雨蕭蕭江上村
綠林豪客夜知聞
他時不用相迴避
世上如今半似君

贈田玉卿

長安里巷舊鄰居
未解梳頭五歲餘
今朝嫁得風流婿
歌舞閑時看讀書

寄峽州韋郎中

年過五十髻如絲
不必前程更問師
幸得休州樂克化
楚山溪處最相宜

經涇州館寄使府群公

涇州水竹十家餘
漁艇蓬門對岸居
大勝城中走
鞍馬與他軍府判文書

春晚遊鶴林寺寄使府諸公

野寺尋春花已遲
背岩唯有兩三枝
明朝攜酒猶
堪賞為報春風且莫吹

早春霽後發頭陀寺寄院中

紅樓金剎倚晴岡
雨雪初收望漢陽
草檄可中能
有暇迎春一醉也無妨

寄趙準乞湘川山居

閑說班超有孺居山橫水曲占商於知君不用磻
谿石乞取終年獨釣魚

謫康州先寄兄渤

惟將直道信蒼天可料無名抵憲章陰陽卻應先
有謂已教鴻雁早隨陽

京口送朱畫之淮南寄故人

西行客淚愁中落萬樹山花雨裏殘君到揚州見
桃葉為傳風水渡江難

送楊敬之侍河南

久嗟塵匣掩青萍見說除書試一聽聞君初作長

沙傳便逐秋風過洞庭

送孫克天赴舉

自說軒皇息戰威，萬方無復事戎衣。
卻教孫子藏兵術，空把文章向禮闈。

送顏覺赴舉

顏子將才應四科，料量時輩更誰過。
居然一片荆山玉，可怕無人是卞和。

送魏簡能東遊二首

獻賦論兵命未通，卻乘羸馬出關東。
灞陵原一作去

上重迴首十載長安似夢中

燕市悲歌又送君
日隨狂鴈過寒雲
孤亭宿處時
有劍莫使塵埃蔽斗文

送王六覲巢縣叔父二首

巢岸南分戰馬山水雲
程盡到東關
絃歌自是君家事
莫怪今來一邑閑
長憶山陰舊會時
王家兄弟盡相隨
老來放逐瀟湘路
滴淚秋風引獻之

山居送僧

夫意因休便買山
白雲深處寄柴關
若逢城邑人
相問報道花時也不閑

送妻入道

人無回意似波瀾
琴有離聲為一彈
從使空門再相見
還如秋月水中看

哭田布

魏師臨陣卻抽營
誰管豺狼作信兵
縱使將軍能伏劍
何人島上哭田橫

看射柳枝

玉妃朱弦勅賜弓
新加二斗得秋風
萬人齊看翻金勒
百步穿楊逐箭空

晚泊潤州聞角

江孤一作城吹角水茫茫曲一作引邊聲一作怨思
長驚起暮天沙上鴈海門斜去兩三行

聽隣女吟

含情遙夜幾人知閑詠風流小謝詩還似霓旌下
烟露月邊吹落上清詞

聽多美唱歌

黃鸝慢轉引秋蟬衝斷行雲直入天一曲梁州聽
初了為君別唱想夫憐

聽歌

蟬先飛梁上塵朱唇不動翠眉顰願得春風吹

更遠直教愁殺滿城人

謝王連州送海陽圖

謝家為郡實風流
畫得青山寄楚囚
驚起艸堂寒氣晚
海陽潮水到荅頭

中秋夜君山臺望月

大隄花裏錦江前
詩酒同遊四十年
不料中秋最明夜
洞庭湖上見當天

題蘇仙宅枯松

幾年蒼翠在仙家
一旦枝枯類海槎
不如酸澁棠梨樹
卻占高城獨放花

頭陀寺看竹

寺前新笋已成竿紫馬重來獨自看可惜斑皮空
滿地無人解取作頭冠

題宇文秀才櫻桃

風光莫占少年家白髮殷勤最戀花今日顛狂任
君笑趣愁得醉恨麻茶

木蘭花

碧落真人著紫衣始堪相並木蘭枝今朝繞郭花
看遍盡是溪村田舍兒

黃葵花

此花莫遣俗人看
新染鵝黃色未乾
好逐秋風上天去
紫陽宮女要頭冠

山花

六出花開赤玉盤
當中紅濕耐春寒
長安若有五侯宅
誰肯將錢買牡丹

失題

華表千年一鶴歸
丹砂為頂雪為衣
冷仙語人聽却
向五雲翻處飛
滕王閣上唱伊州
二十年前向此游
半是半非君莫問
西山長在水長流

丁叢一百六

唐音統叢卷五百七

陸暢字達夫吳郡人元和元年登進士第為皇太

子僚屬後官鳳翔少尹集一卷唐志無宋志有

語多差誤人以為劇初陸董漢女每旦婢進澡豆

暢輒沃水服之或曰君為貴門女塔幾多樂事陸

曰貴門苦禮法律予食辣麵殆不可過暢初為

江西王仲舒從事拂衣去後客韋臯雅所厚禮臯

傳云始天寶時李白為蜀道難萬以斥叢武暢更

為蜀道易以美臯臯愛朝廷欲追絕其咎不與臯

向者所進兵器皆鑊定秦字賜上言臣

雲安公主下降奉詔作催粧詩順宗女下嫁

舉場為賞相詩
皆頌刻而成

雲安公主貴出嫁五侯天母親調粉日乞憐賜

花雀鋪百子帳待障七香車借問粧成未東方欲
曉霞

又儷相詩六首

催粧

天上瓊花不避秋今宵織女嫁牽牛萬人惟待乘
鸞出乞巧齊登明月樓
少妝銀粉飾金鈿端正天花貴自然聞道禁中時
節異九秋香滿鏡臺前

坐障

白一作碧玉為竿丁字成黃金繡帶短長輕一作鴛鴦

聲短長 強遮天上花顏色不敢雲中笑語聲

簾

勞將素手捲蠟鬢瓊室流光更綴珠玉漏報來過

半夜可憐潘岳立踟躕一作真珠文織挂簷端錦

和月卷精神仙
愁怕水精寒

暗

斲玉編金次第平花紋隱起踏無聲幾重便上華
堂裏得見天人吹鳳笙

扇

寶扇持來入禁宮本教花下動香風嫦娥須逐彩

雲降不可通宵在月中

解內人嘲

時內人以楊吳晉才捷嘲之云雙成走報監門道莫使吳歛入漢宮

楊到之云云六宮大哈別賜宮錦十段榜物燕咄羨各一

粉面仙郎選聖朝
偶逢秦女學吹簫
須教翡翠聞王母
不奈烏鳶噪鵲橋

山出雲

靈山蓄雲彩紛郁
出清晨望樹繁花
白看峰小雪
新映松張蓋影依
澗布魚鱗高似從
龍處低如觸
石頰濃光藏半袖
淺色類飄塵玉葉
開天際遙憐

占早春

對雪

怪得北風急前庭如月暉天人寧底一作許巧剪水
作花飛

聞早蟬

落日早蟬急客心聞更愁一聲來枕上夢裏故園
秋

別劉端公

連騎出都門秋蟬噪高柳落日辭故人自醉不關
酒

長安新晴

九重深淺人不知金殿玉樓倚朝日一夜城中新
雨晴御溝流得宮花出

新晴愛月

野性平生惟愛月新晴半夜觀嬋娟起來自辟紗
書一作窓破教落清光落枕邊

下第後病中

獻玉頻年命未通寤秋成病悟真空笑着朝市趨
名者不病那知在病中

疾愈步履花下

赤紅李白覺春歸強步闌庭力尚微從困不扶靈

壽杖恐驚花裏早鶯飛

太子劉舍人邀看花

年少風流七品官
朱衣白馬冶遊盤
負心不報春光主
幾處偷看紅牡丹

遊城東王駙馬亭

城外無塵水間松
秋天木落見山容
共尋蕭史江亭去
一望終南紫閣峯

題獨孤少府園林

四面青山是四隣
烟霞成伴草成茵
年年洞口桃花發
不記曾經迷幾人

籌筆店江亭

九折巖邊下馬行
江亭暫歇聽江聲
白雲綠樹不關
我枉與誰人樂一生

望毛女峯

我種東峯千葉蓮
此峯毛女始求仙
今朝暗算當年
時事已是人間七萬年

題奇山廟

商洛秦時四老翁
人傳羽化此山空
若無仙眼何由見
總在廟前花洞中

題自然觀

劍閣門西第一峯道 成道有高蹤行人若上升
仙處須撥白雲三四重

題悟公禪堂

臨壇付法十三春家本長城 下人芸閣少年應
不識南山鈔主是前身

夜到泗州酬崔使君

徐城洪盡到淮頭月裏山河見泗州聞道泗濱清
廟磬雅聲今在謝家樓

宿陝府北樓奉酬崔大夫二首

樓壓黃河山滿座風清水涼誰忍卧人定軍中禁

漏傳不妨秋月城頭暹

一別朱門三四春再來應笑尚風塵昨宵惟有樓
前月識是謝公詩酒人

贈賀若少府

十日廣陵城裏住聽君花下撫金徽新聲指上懷
中紙莫怪潛偷教曲歸

陝州逢竇華同宿寄江陵韋協律

共出丘門歲九霜相逢悽愴對離觴荆南為報韋
從事一宿同眠御史床

出藍田關寄董使君

萬里烟蘿錦帳開
雲迎水送度藍關
七盤九折難行處
盡是龔黃界外山

成都贈別席夔

不值分流二江水
定應猶得且同行
三千里外情人別
更被子規啼數聲

送崔員外使回入京

六星宮裏一星歸
行到金鉤近紫微
侍史別來經歲月
今宵應夢護香衣

成都送別費冠卿

紅椒花落桂花開
萬里同遊俱未迴
莫厭客中頻

送客思鄉獨上望鄉臺

送獨孤秀才下第歸太白山

逸翮暫時成落羽將歸太白賞靈蹤須尋最近碧霄處擬倩和雲買一峯

送李山人歸山

來從千山萬山裏歸向千山萬山去山中白雲千萬重卻望人間不知處

送溪上人歸江南

留得蓮花偶付誰獨攜金策欲歸時江南無限蕭家事曾與白雲何處期

薔薇花

錦窠花朵然叢醉翠葉眉桐裛露垂莫引美人來
架下恐驚紅片落燕支

句

蜀道易易子履平地

暢蜀道易篇
徑存此首句

蟬噪入雲樹

風聞無主花

崔諫議
林亭

丁籤一百七

唐音統籤卷 五百八

劉珣字希仁慕孟軻為文因以名本沛人少為僧
復求黃老之術隱廬山元和未登進士第終洛州
刺史精儒術有史才韓愈白居易嘗稱之文一卷
宋志今存詩一篇

玉聲如樂

玉叩能旋止人言與樂并繁音忽已闕一作是雅韻

詘然清珮想停仙步泉疑咽夜聲曲終無異聽響
極有餘情特達知難擬玲瓏豈易名崑山如可得
一片作為榮

丁籤一百八

李約字存博汧公勉之子識度清曠迥出塵表元

和中仕至兵部員外郎詩一卷唐志無宋志有紀事云約雅度簡

遠有山林之致在湖州得古識一片擊之清越又

養一孫名山公月夜泛江登金山鼓琴猿必嘯和

曾佐庶人李鈞幕至金陵屢請招隱寺標致一日遊

庶人宴寺中明日謂曰子堂稱招隱之致昨日遊

宴何殊州中約曰慕所賞者殊野耳若遠山游翠

幕庭古松用練物棄臚腥浼鹿跑泉音衆亂山鳥聲

此則寔不如在叔父大廳也性又嗜茶能自煎曰

茶須緩火炙活火煎活火炭火有焰者曾奉使行

陝州硤石縣東愛禁水清流旬日忘發梁武造寺

令蕭子雲飛白大書一蕭字約自江淮竭產致歸

洛中匣于小亭院曰蕭齋

城南訪裴氏昆季

相思起中夜夙駕訪柴荆
早霧森柘隱曉光豁澗
明村蹊蒿棘間往往斷
新耕貧野烟火微晝無
鳥鷺聲田頭逢餉人道
君南山行南山千萬峯
盡是相思情野老無拜
揖村童多躲形相呼者
車馬顏色喜相驚荒圃
雞豚樂兩牆未莠生欲
君知我來壁上空書名

從軍行三首

看圖閣教陣畫地靜論
邊烏壘天西戍鷹姿塞
上川路長惟算月書遠
每題年無復生還望翻
思未別前

柵壕

一作高

三面闌箭盡舉烽頻營柳和烟暮關榆

帶雪春邊城多老將磧路少歸人殺盡金

一作盡

河卒年七添塞塵

候火起雕

同興

城塵沙擁戟聲遊軍藏漢幟降騎

說番情霜落漉池淺

一作薄

秋高太白明嫖姚方

虎視不學請添兵

歲日感懷

曙氣變東風蟾壺夜漏窮
新春幾人老舊曆四時
空身賤悲添歲家貧喜過冬
稱觴惟有感歡度在
兒童

贈韋况

尚書故事云約與主客員外張詠同官二人巨擘靜言每避與不寐人莫

得知故約贈韋微君况詩云韋賸來避世不婦娶不治生業約亦與之厚者

八
我有心中事不向韋三說秋夜洛陽城明月照張

江南春

池塘春暖水紋開隄柳垂絲間野梅江上年七芳
意早蓬瀛春色逐朝來

觀祈雨

桑條燕葉土生烟簫鼓迎龍水廟前朱門幾處看
歌舞猶恐春陰咽管絃

過華清宮

君王遊樂萬幾輕一曲霓裳四海兵玉輦升天人
已盡故宮唯有樹長生

病中宿宜陽館聞雨

難眠夏夜抵秋除簾幔深垂窻燭斜風吹桐竹更
兼兩白髮病人心到家

丁籤一百九

費冠卿字子軍池州人登元和二年進士第會母
卒嘆曰千祿養親耳得祿而親喪何以祿為遂歸
隱九華山長慶中殿院李行修舉其孝行以右拾

遺召不赴集一卷

唐志無宋志有制詞曰前進士

賢

據言

載拾遺

計

乃

計

遺

借以文中第祿不及于榮養恨每積于永懷遂乃

屏身丘園絕迹仕進守其志

附十有五

年

峻節

而

敦

無

名

明清標自遠夫旌孝行舉

人所以厚風俗而敦

名教也

真

承

高

獎

以

微

移忠之教

之教

京師感懷

螢燭不為苦求名始辛酸上國無交親請謁多少
難九月風到面羞汗成冰片求名俟公道名與公道
道遠力盡得一名他喜我且慙家書十年絕歸去
知誰榮馬嘶渭橋柳特地起愁聲

桂樹藤

本為獨立難寄彼高樹枝蔓衍數條遠溟濛千朵
垂向日助成陰當風藉持危誰言柔可屈坐見蟠
蛟端

枕流石

不為幽崖隱古色涵空出願以清泚流鑿此堅貞
看傍臨玉光潤時瀉苔花密密往往驚游鱗尚疑垂
釣日

秋日興冷然上人寺莊觀稼

世人縱獲、獨自愛身閑美景當新霽隨僧過遠
山村橋出秋稼空翠落澄灣惟有中林犬猶應望

我遂

答蕭建問九華山

自地上青峯緣崖一萬重
蹊危顛側足登整半齊
胸飛欲喘攀桂遊人喘
倚松入林寒痺上近瀑雨
濛上徑滑石稜上寺開
山掌中蟠花撲淨地臺殿
印晴空勝境層上別高僧
院上逢潛魚候洗鉢老
獲戲棹鐘外戶憑雲梅中
厨課水春搜泥時和
麵拾椽半添種渡壑緣槎
際持燈入洞窮爽天開
壁峭透石巖波雄澗藹清
無上潭深碧有龍畚田
一片淨谷樹萬林濃野客
登臨慣山房幽寂向寒

爐樹根火夏牖竹梢風邊鄙鳴賢相黔黎託聖躬
君能棄名利歲晏一相逢

閑居即事

生計性將三尺童學它賢者隱牆東
照眠夜後多因月掃地春來祇藉風
幾處江旗驅戰士一園青艸伴
衰翁子房仙去孔明死更有何人
解指踪

酬范中丞見惠

花宮柳陌正從行紫袂金鞍問姓名
戰國方須禮干木康時何必重侯嬴
捧符來帛山僮喜傳示銀

鈎邑客驚直為雲泥相去遠一言知已殺身輕

題中峰

中峯高柱沃寥天上有茅齋與石泉晴景獵人曾
望見青藍色裏一僧傳

以拾遺召不起賦詩

君親同是先王道何如骨肉一處老也知臣子合
佐時自古崇華誰可保

徵拜拾遺書情

拾遺帝側知難得官繫才微恐不勝好是中朝絕
親友九華山下詔來徵

三千里外一微臣二十年來任運身今日忽蒙天
子召自懸壺勸國中人

丁籤一百十

唐音統籤卷五百九

施肩吾字希聖睦州人

紀事云洪州人誤張籍送肩吾詩世業倫臨七里瀨

可元和十年登進士第慕仙跡隱豫章西山為詩

奇麗有西山集十卷

唐宋志同通攷云五卷有自序云二十年辛若烟蘿

集

松月之下或時學兔息飲而不食賜胃無滓形神益清見天地六合之奧凡奇此點代潤乎心目者銳思一披皆落我文字細也今編為三卷

晁公武曰肩吾

以西山乃十二真仙羽化之所心慕之因卜隱有詩云若歎西山得道若連余便是十三人

云肩吾嘗賦贈陸羽遺興七言詩一百韻才情富贖大行于世今亦亡

宋黃州思疏肩吾集云肩吾詩無慮五百篇陳情所序總六十二篇雖倍于情書而尚虧元本五之四可為借歎茲編黃本為多

五言古詩

及第後過揚子江

張為取作主客圖
廣錄黃馮京渡江詩詞未
齊

句二

憶昔將貢且抱愁此江遶魚龍互閃鏢白浪高于
天今日步青草還來經此道江袖也世情為我風
色好

七言古詩

長安春夜吟

露盤滴時河漢微美人燈下裁春衣蟾蜍東去鵲
南飛芸香省中郎不歸

效古體

黃金無舊釵，綉綺無舊裾。惟有一寸心，長貯萬里
夫南軒。夜蟲織已促，北牖飛蛾遶殘燭。祇言衆口
鑠千黃，一作黃金誰信獨。愁銷片玉，不知歲晚歸不歸。
又將淚眼縫征衣。

夜宴詞

蘭缸如畫，買不眠玉堂衣起，沉香烟青娥一行十
二仙。欲笑不笑，桃花然碧牕，弄嬌粧洗晚戶外不
知銀漢轉。被卽嗔，蜀琉璃盞酒入四支紅玉軟。

古別離

古人謾歌西飛燕，十年不見狂夫面。三更風作切

夢刀萬轉愁成繫腸線所嗟不及牛女星一年一度得相見

老母別爰子少妻送征郎血流既四面乃亦斷二腸不愁寒無衣不怕飢無糧惟恐征戰不還鄉母化為鬼妻為孀

壯士行

一斗之膽撐臟腑如螺之筋碎臂骨有時悞入千人叢自覺一身橫突兀當今四海無烟塵冑襟被壓不得伸涼泉殘蠶我不取污我匣裏青蛇鱗

五言排律

早春殘雪

春景照林巒玲瓏雪影殘
井泉添碧甃藥圃洗朱欄
雲路迷初醒書堂暝漸難
花分梅嶺色塵減玉階寒
遠稱棲松鶴高宜點露盤
佇逢春律後陰谷始堪看

七言律詩

代征婦怨

寒牕羞見影相隨
嫁得五陵輕薄兒
長短艷歌君自解
淺淡更漏妾偏知
西裙多淚鴛鴦濕
雲鬢慵梳玳瑁垂
何事不著霜雪裏
堅貞惟有古松枝

上禮部侍郎陳情

九重城裏無親識，八百人中獨姓施。
弱羽飛時攢箭險，蹇驢行處薄冰危。
晴天款照盆難反，貧女如花鏡不知。
却向從來受恩地，再求青律變南枝。

贈邊將

輕生奉國不為難，戰苦身多舊箭瘢。
玉匣鎖龍鱗甲冷，金鈴襯骨羽毛寒。
皂貂擁出花當背，白馬騎來月在鞍。
猶恐犬戎臨虜塞，柳營時把陣圍看。

送人南遊

見說南遊偏不易，中途莫忘寄書頻。
凌空瘴氣隨

飛鳥解語山魃惱病人
閩縣綠娥能引客
泉州烏藥好防身
異花奇竹分明看
待汝歸來画取真

送端上人遊天台

師今欲向天台去
來說天台意最真
溪過石橋為險處
路迳毛褐是真人
雲邊望寺鐘聲遠
雪裏尋僧腳迹新
只可且論經夏別
莫教琪樹西回春

五言絕句

古相思

十訪九不見
甚于菑蒲花
可憐雲中月
今夜墮我家

湘竹詞

萬古湘江竹無窮奈怨何年年長春筍只是淚痕
多

定情樂二首

敢嗟君不憐自是命不諧著破三條裙却還隻股
釵

感卽渡條脫新破八幅絹不惜榆莢錢買人金步
搖

不見來詞

烏鵲語千回黃昏不見來漫教脂粉匣閉了又重

開

夜起來

香銷連理帶塵覆合歡杯懶卧相思枕愁吟夜起來

夜愁曲

歌者歌未絕愁人愁轉增空把琅玕枝強挑無心燈

感過詞

一棧兒如僊人情要自偏羅敷有底好最得使君憐

笑卿詞

笑向卿、道耽書夜、多出來者玉兔又欲過銀河

乞巧詞

乞巧望星河、並綺羅不嫌針眼小、只道月明多

買地詞

買地不惜錢、為多芳桂業、所期在清涼、坐起聞香風

幼女詞

幼女纔六歲未知巧與拙向夜在堂前學人拜新月

雜古詞五首

可憐江北女慣唱江南曲搖蕩木蘭舟復覓不成浴

卽為七上香妻作籠下灰歸時卽一作相一作暖熱去罷生塵埃

夜裁鴛鴦綺朝織蒲桃綾欲試一寸心待縫三尺冰

磷時魚得水怨罷商興參不如山梔子卻能解一作

結同心

紅顏感莫花白日同流水思君若孤燈一夜一心死

衛夜行

夜行無月時古路多荒榛山鬼遙把火自照不照人

秋山吟

夜吟秋山上裊々秋風歸月色清且冷桂香落人衣

幽居樂

萬籟不在耳寂寥心境清無妨
教燕竹時有蕭聲

寒夜

三復招隱吟不知寒夜深看
日西來月移到青天

今尺石

南昌府志

丹砂盡頑石黃金橫一尺人世較短長
仙家愛平直

瀑布

豁開青冥顛瀉出萬丈泉如裁一條素
白日懸秋

天

惜花

落盡萬株紅無人解繫風今朝芳徑裏惆悵錦機空

及第後夜訪月仙子

自喜尋幽夜新當及第年還將天上桂來訪月中仙

觀花後遊慈恩寺

世事知難了應須問空羞將看花眼來入梵王宮

秋洞宿

夜深秋洞裏風雨報龍歸何事觸人睡不教蝴蝶
飛

宿南一上人山房

牕牖月色多坐卧禅心静青鬼交試人夜深弄燈
影

蘭渚泊

家在洞水西身作蘭渚客天書無纖雲獨坐空江
碧

湘川懷古

湘水終日流
湘妃昔時哭
美色已成塵
淚痕猶在竹

弋陽訪古

行逢葛谿水
不見葛仙人
空拋青竹杖
呪作葛陂神

經吳真君舊宅

古仙煉丹處
不測何歲年
至今空宅基
時有五色烟